



U nastavku operativne akcije "META", policijski timovi izvršili pretrase na 28 lokacija, kojom prilikom je 19 lica lišeno slobode i stavljeno pod kontrolu, dok se za 5 lica intenzivno traga

Objavljeno četrtek, 10 Mart 2022 16:44
Klikova: 128

Policijski službenici Uprave policije ministarstva unutrašnjih poslova Zeničko-dobojskog kantona su u proteklom periodu, pod nadzorom i u saradnji sa Kantonalnim tužilaštvom Zeničko-dobojskog kantona, u okviru operativne akcije kodnog naziva "META" poduzimali operativno-taktičke i istražne mjere i radnje, usmjerene na lišenje slobode i procesuiranje lica koja se sumnjaju za izvršenje krivičnih djela "Neovlaštena proizvodnja i stavljanje u promet opojnih droga" iz člana 238. Krivičnog zakona Federacije BiH.

Na nastavku ove operativne akcije, danas, 10.03.2022. godine, u ranim jutarnjim satima, od strane policijskih timova započeti su pretrazi na 28 lokacija na području ženičko-dobojskog kantona, Kantona Sarajevo, Srednjobosanskog kantona i Brčko distrikta. Današnje aktivnosti su zapravo finalizacija opsežne policijske akcije kodnog naziva "META", koja sprovodi Uprava policije Ministarstva unutrašnjih poslova Ženičko-dobojskog kantona i u okviru koje su u proteklom periodu, u pojedinačnim akcijama policije, pronađene i oduzete značajne količine opojnih droga. Ova akcija je usmjerena na lišenje slobode i procesuiranje lica koja se sumnjaju za izvršenje krivičnih djela u vezi zloupotrebe opojnih droga.

Aktivnosti u okviru akcije "META" se poduzimaju u saradnji i pod nadzorom Kantonalnog tužilaštva Zeničko-dobojskog kantona, te se postupka po naredbama općinskih sudova u Zenici i Visokom, a pretrasi se provode u saradnji sa policijskim timovima Federalne uprave policije, te timovima uprava policija ministarstava unutrašnjih poslova Kantona Sarajevo, Srednjobosanskog kantona i Policije Brčko distrikta BiH.

Pretrazi objekta i lica na navedenim lokacijama su vršili s ciljem pronalaska i privremenog odzimanja predmeta koji mogu poslužiti kao dokaz u daljnjem postupku, kao i lociranja i lišenja slobode lica koja su meta akcije, a koja se sumnjaju za izvršenje navedenih krivičnih djela. Nadalje, tokom provođenja operativne akcije "META", zadokumentovani su i dostavljeni Tužilaštvu izvještaji protiv 22 lica zbog počinjenih krivičnih djela u vezi sa zloupotrebom opojnih droga, te su zadokumentovane krivičnopravne radnje za koje se ista sumnjaju i za koje su prikupljeni dokazi koje ove višemesečne istrage.

Na lokacijama na kojim su vršeni pretresi 19 lica je stavljeno pod kontrolu i lišeno slobode, dok se za 5 lica intenzivno traga. Radi se o licima: L.A., rođen 1990. godine, iz Sarajeva, M.H., rođen 1991. godine, iz Sarajeva, S.K., rođen 1989. godine, iz Visokog, R.H., rođen 1997. godine, iz Brčkog i Š.E., rođen 1987. godine, iz Visokog.

U okviru ove operativne akcije, značajna podrška i pomoć je pružena od strane Federalne uprave policije čiji su specijalistički timovi bili direktno uključeni u vršenje pretresa, a ostvarena je i odlična saradnja sa Upravom policije Ministarstva unutrašnjih poslova Kantona Sarajevo, Upravom policije Ministarstva unutrašnjih poslova Srednjobosanskog kantona, te Policijom Brčko distrikta BiH, čiji su policijski timovi takođe direktno učestvovali u vršenju pretresa.

Nad licima lišenim slobode je zavedena kriminalistička obrada, nakon čega će, uz izvještaj o počinjenom krivičnom djelu i otkrivanju izvršioa, biti predana na nadležnost i daljnje postupanje Kantonalnom tužilaštvu Zeničko-dobojskog kantona.



Izvršenim pretresima pronađena je i oduzeta određena količina materije koja svojim izgledom asocira na opojnu drogu i koja će biti predmet potrebnih vještačenja i mjerenja, veći broj mobilnih telefonskih aparata, digitalne vage za precizna mjerenja, oružje i municija, kao i drugi nedozvoljeni predmeti koji će biti korišteni kao dokazni materijal u daljnjem postupku.